

ხ ე ლ შ ე კ რ უ ლ ე ბ ა

ქსელთან გაფართოებული ურთიერთჩართვის შესახებ

ქ. თბილისი

2009 წლის -----

მუხლი 1. ხელშეკრულების მხარეები

1.1. *ორგანიზაციულ სამართლებრივი ფორმა:* შეზღუდული პასუხისმგებლობის საზოგადოება
საფირმო სახელწოდება : კაკეასუს ონლაინი (შემდგომში "ონლაინი")
იურიდიული მისამართი: თბილისი, რუსთაველი გამზირი №31
რეგისტრაციის № 5/4-1930
რეგისტრაციის თარიღი: 11.11.1998წ,
წარმომადგენელი : კომპანიის გენერალური დირექტორი
სახელი და გვარი : მამია სანადირაძე

1.2. *ორგანიზაციულ სამართლებრივი ფორმა:*
საფირმო სახელწოდება :
იურიდიული მისამართი:
რეგისტრაციის №
რეგისტრაციის თარიღი:
წარმომადგენელი :
სახელი და გვარი :

ხელშეკრულების მხარეები ვმოქმედებთ რა, საკუთარი წესდებების და საქართველოს კანონმდებლობის, შესაბამისად, უთანხმდებით შემდეგზე:

მუხლი 2. ტერმინთა განმარტება

2.1. წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

ავარია – მხარის ტექნიკური საშუალებე(ებ)ისა და/ან მოწყობილობ(ებ)ის მწყობრიდან გამოსვლა, მხარის ბრალეული (განზრახვა, გაუფრთხილებლობა) ქმედების გარეშე და ფორს-მაჟორული გარემოების არარსებობისას;

საპატიო მოცდენა - მხარ(ებ)ის მიერ ხელშეკრულებით ნაკისი ვალდებულებების შეუსრულებლობა ბრალეული (განზრახვა, გაუფრთხილებლობა) ქმედების გარეშე.

არასაპატიო მოცდენა - მხარ(ებ)ის მიერ ხელშეკრულებით ნაკისი ვალდებულებების შეუსრულებლობა ბრალეული (განზრახვა, გაუფრთხილებლობა) ქმედებით.

2.2. წინამდებარე ხელშეკრულებაში გამოყენებული სხვა ტერმინების მნიშვნელობა განისაზღვრება საქართველოს სამოქალაქო კოდექსისა და „ელექტრონული კომუნიკაციების შესახებ“ საქართველოს კანონის შესაბამისად.

მუხლი 3. ხელშეკრულების საბაზი

3.1. წინამდებარე ხელშეკრულების საბაზია „ონლაინსა“ და „მეორე მხარეს“ შორის პირდაპირი გაფართოებული ურთიერთჩართვა, რაც გულისხმობს საკუთარი ქსელების შესაბამის ელემენტებთან და მათ ქსელებში განთავსებულ ყველა ინტერნეტ საქსელო რესურსებთან (მათ შორის ინტერნეტ გვერდებთან, ინტერნეტ საინფორმაციო მომსახურების სახეებთან, სერვერზე განთავსებულ ყველა ინფორმაციასთან) შეუზღუდავ და არადისკრიმინაციულ ურთიერთდაშვებას;

3.2. მხარეებს შორის ურთიერთობის საფუძველს წარმოადგენს მხარეების წესდებები, საქართველოს კანონმდებლობა და საქართველოს კომუნიკაციების ეროვნული კომისიის გადაწყვეტილებები და დადგენილებები.

მუხლი 4. ურთიერთჩართვის ტექნიკური საკითხები

4.1 მხარეებს შორის გაფართოებული ურთიერთჩართვა და პაკეტური კომუტაციის ქსელებით ინტერნეტ გრაფიკის ურთიერთგაცვლა ხორციელდება ინტერნეტ ტექნოლოგიით, TCP/IP ინტერნეტ პროტოკოლისა და BGP მარშრუტიზაციის პროტოკოლის შესაბამისად.

4.2 მხარეები უზრუნველყოფენ პირდაპირ გაფართოებულ ურთიერთჩართვას, რომლის სიმძლავრე განისაზღვრება წინამდებარე ხელშეკრულების მეხუთე მუხლით. გაფართოებული ურთიერთჩართვა ხორციელდება მხარეების მიერ თავიანთ ქსელებში შესაბამისი სიმძლავრის საკომუნიკაციო პორტების გამოყოფით.

4.3 პირდაპირი გაფართოებული ურთიერთჩართვისათვის, წინამდებარე ხელშეკრულების მე-5 მუხლში მითითებული პორტებისა და გამტარუნარიანობის სიმძლავრეების ზემოთ, შესაბამისი პორტებისა და გამტარუნარიანობის სიმძლავრეების გამოყოფის მოთხოვნა და უზრუნველყოფა ხდება მხარის ჯეროვნად დასაბუთებული წერილობითი მოთხოვნის საფუძველზე.

4.4 პირდაპირი გაფართოებული ურთიერთჩართვა ხორციელდება “ურთიერთჩართვის ადგილში”, როგორც ეს განმარტებულია წინამდებარე ხელშეკრულებაში, “მეორე მხარის” წერილობითი განაცხადის / მოთხოვნის “ონლაინის” მიერ მიღებიდან 5 სამუშაო დღის ვადაში. მოცემული მომსახურების ეფექტურობისა და ურთიერთობებრივობის უზრუნველსაყოფად, “მეორე მხარე” ვალდებულია, ამგვარი განაცხადის / მოთხოვნის “ონლაინისათვის” გაგზავნის მომენტში, საკუთარი ძალისხმევითა და სახსრებით უზრუნველყოს შესაბამისი ფიზიკური არხის მიყვანა “ურთიერთჩართვის ადგილში” და საკუთარი ტექნიკური საშუალებების (მათ შორის ფიზიკური

არხის, პორტისა და პროგრამული უზრუნველყოფის) შესაბამისობაში მოყვანა “ონლაინის” მიერ “ურთიერთჩართვის ადგილში” განთავსებულ და ურთიერთჩართვისათვის განკუთვნილ ხელსაწყოებსა და პროგრამულ უზრუნველყოფასთან (Cisco Systems Catalyst-ის ჯგუფის კომპუტატორი IOS 12.1 ან უფრო ახალი პროგრამული უზრუნველყოფით).

4.5 პირდაპირი გაფართოებული ურთიერთჩართვისათვის დამატებითი სიმძლავრის პორტებით უზრუნველყოფის თაობაზე “მეორე მხარის” მიერ მოთხოვნა “ონლაინის” მიერ ხორციელდება “ურთიერთჩართვის ადგილში”, როგორც ეს განმარტებულია წინამდებარე ხელშეკრულებაში, “მეორე მხარის” წერილობითი განაცხადის/მოთხოვნის, “ონლაინის” მიერ მიღებიდან 5 სამუშაო დღის ვადაში. ამგვარი განაცხადი/მოთხოვნა უნდა მოიცავდეს: 1) დოკუმენტურად დასაბუთებულ არგუმენტს მოთხოვნილი სიმძლავრის აუცილებლობის თაობაზე, და 2) “მეორე მხარის” თანხმობას მოთხოვნილი მომსახურებისათვის “ონლაინის” მიერ დადგენილი ღირებულების გადახდის თაობაზე. მოცემული მომსახურების ეფექტურობისა და ურთიერთობერაბელურობის უზრუნველსაყოფად, “მეორე მხარე” ვალდებულია, ამგვარი განაცხადის/მოთხოვნის “ონლაინისათვის” გაგზავნის მომენტში, საკუთარი ძალისხმევითა და სახსრებით უზრუნველყოს შესაბამისი ფიზიკური არხის მიყვანა “ურთიერთჩართვის ადგილში” და საკუთარი ტექნიკური საშუალებების (მათ შორის ფიზიკური არხის, პორტისა და პროგრამული უზრუნველყოფის) შესაბამისობაში მოყვანა “ონლაინის” მიერ “ურთიერთჩართვის ადგილში” განთავსებულ და ურთიერთჩართვისათვის განკუთვნილ ხელსაწყოებსა და პროგრამულ უზრუნველყოფასთან (Cisco Systems Catalyst-ის ჯგუფის კომპუტატორი IOS 12.1 ან უფრო ახალი პროგრამული უზრუნველყოფით).

4.6 “ონლაინის” მიერ “მეორე მხარისათვის” პირდაპირი გაფართოებული ურთიერთჩართვისათვის დამატებითი სიმძლავრის პორტებით უზრუნველყოფის მოთხოვნა უნდა შესრულდეს წინამდებარე ხელშეკრულებით განსაზღვრული პირობების ანალოგიურად, ანუ იმ ვადებისა და პირობების შესაბამისად რაც განსაზღვრულია წინამდებარე ხელშეკრულებით.

4.7 მხარეები უზრუნველყოფენ, წინამდებარე ხელშეკრულებით განსაზღვრული, მიწოდებული მომსახურების ხარისხს, ხელმისაწვდომობას, უსაფრთხოებას, ეფექტურობასა და ურთიერთობერაბელურობას. ურთიერთჩართვის არხზე ინტერნეტ ტრაფიკის პაკეტების გადაცემის გარანტირებული ხარისხის მახასიათებლად განისაზღვროს: IP პაკეტების დანაკარგების დასაშვები დონე – 1%-ი; გადაცემული პაკეტების დაყოვნების – 50 მილიწამი; გადაცემული პაკეტების დაყოვნების საშუალო სტატისტიკური გადახრის საზღვრები – 40 მილიწამი.

4.8 მხარეებს შორის გაფართოებული ურთიერთჩართვა და ინტერნეტ ტრაფიკის დამისამართებასთან / ტრანზიტთან დაკავშირებული ინფორმაციის/ტრაფიკის გაცვლა განხორციელდება BGP პროტოკოლის მეშვეობით. მხარეები ვალდებული არიან წერილობითი მოთხოვნის საფუძველზე განახორციელონ BGP პროტოკოლის შესაბამისი ფუნქციის გააქტიურება (მაგ. დომენური სახელების ჩამონათვალის ურთიერთგაცვლის მიზნით), თუ ეს შესაძლებელია, რაც უნდა განხორციელდეს ორივე მხარის მიერ, შესაბამისი დამატებითი მომსახურების მიწოდებისა და მიღების მიზნით.

4.9 მხარეები მიიღებენ ყველა შესაძლო გონივრულ ზომას, რათა უზრუნველყონ ურთიერთჩართვის საექსპლუატაციო უსაფრთხოება, როგორც ურთიერთჩართვის წერტილებში, ისე მხარეთა კუთვნილ მოწყობილობებზე.

4.10 “ურთიერთჩართვის ადგილად” განისაზღვოს თბილისი, რუსთაველის გამზ. №31 შპს „კავკასუს ონლაინის“ ცენტრალური ქსელის კვანძი. “ონლაინი” იღებს ვალდებულებას უზრუნველყოს აღნიშნულ კვანძში ნებისმიერი სახის დაზიანებისა თუ ხარვეზის აღმოფხვრა რაც აფერხებს წინამდებარე ხელშეკრულებით გათვალისწინებული მომსახურების განხორციელებას.

4.11 “ონლაინის” მიერ ქსელის რეორგანიზაციის, მისი ადგილმდებარეობის, ან სხვა შემთხვევებში “ურთიერთჩართვის ადგილის” სხვა ადგილას გადატანის შესახებ “ონლაინი” “მეორე მხარეს”

აცნობებს წერილობით "ურთიერთჩართვის ადგილის" შეცვლამდე ერთი თვით ადრე.

4.12 სამუშაო საათებში ავარიის შემთხვევაში, მხარე რომლის ურთიერთჩართვისათვის, წინამდებარე ხელშეკრულებით დადგენილი მომსახურების განხორციელებისათვის საჭირო საშუალებებიც გამოვიდნენ მწყობრიდან, 4 სამუშაო საათის განმავლობაში ატყობინებს ელექტრონული ფოსტის მეშვეობით, "ონლაინის" შემთხვევაში andro@online.ge, "მეორე მხარის" შემთხვევაში (ურთიერთჩართვაზე პასუხისმგებელი პირის ელ-ფოსტა) (ასლის

საქართველოს კომუნიკაციების ეროვნულ კომისიაში გადაგზავნილ post@gncc.ge) მეორე მხარეს ავარიის შესახებ და იღებს ყველა შესაძლებელ ზომას, რათა გონივრულ ვადაში, რაც არ უნდა აღემატებოდეს შეტყობინებიდან 24 საათს, აღმოფხვრას ავარიის მიზეზები და აღადგინოს ურთიერთჩართვა. აღნიშნული პერიოდი ჩაითვლება "საპატიო მოცდენად".

მუხლი 5. მხარეთა ურთიმართვალდებულებანი

მხარეები ვალდებული არიან:

- ა) უზრუნველყონ საკუთარი ტექნიკური საშუალებების გამართული მუშაობა, ურთიერთჩართვის ჯეროვანი განხორციელების მიზნით, ხელშეკრულების მოქმედების განმავლობაში;
- ბ) უზრუნველყონ ერთმანეთის აბონენტების ჩართვა საკუთარი ქსელის ელემენტებთან და აღნიშნულ ქსელში განთავსებულ ინტერნეტ რესურსებზე;
- გ) "ონლაინი" ვალდებულია გამოუყოს "მეორე მხარეს" შესაბამისი პორტ(ებ)ი რომლის (რომელთა) ჯამური გამტარუნარიანობის სიმძლავრე უნდა შეადგენდეს 1 X 1 გიგაბიტ/წმ "ონლაინიდან" "მეორე მხარის" მიმართულებით ტრაფიკის გასატარებლად პირდაპირი გაფართოებული ურთიერთჩართვის განხორციელების მიზნით;
- დ) "მეორე მხარე" ვალდებულია გამოუყოს "ონლაინის" შესაბამისი პორტ(ებ)ი რომლის (რომელთა) ჯამური გამტარუნარიანობის სიმძლავრე უნდა შეადგენდეს 1 X 1 გიგაბიტ/წმ "მეორე მხრიდან" "ონლაინის" მიმართულებით ტრაფიკის გასატარებლად პირდაპირი გაფართოებული ურთიერთჩართვის მიზნით.

მუხლი 6. ანგარიშსწორება, პირობები და ხარჯები

6.1. მხარეთა შეთანხმებით, ყოველი გამოყოფილი 2 მეგაბიტ/წმ ექვივალენტური პორტისათვის (გამტარუნარიანობის სიმძლავრისათვის) მხარეები ანგარიშსწორებას მოახდენენ იმ ტარიფის შესაბამისად, რაც შეესაბამება საქართველოს კომუნიკაციების ეროვნული კომისიის მიერ პირდაპირი გაფართოებული ურთიერთჩართვის მომსახურებისათვის დადგენილ ზღვრულ ტარიფს, რაც შეადგენს 5000 ლარს 1 (ერთი) გიგაბიტ/წმ გამტარუნარიანობის სიმძლავრეზე დამატებული ღირებულების გადასახადის გარეშე.

6.2 თუ ერთი მხარის მიერ მეორე მხარისათვის გაწეული მომსახურება ერთი თვის განმავლობაში ტოლია, მეორე მხარის მიერ პირველი მხარისათვის გაწეული მომსახურებისა, ამ შემთხვევაში ანგარიშსწორება მოხდება ურთიერთგაქვითვის პრინციპის საფუძველზე, კერძოდ ანგარიშგაქვითვების გაცვლითადა ურთიერთმოთხოვნათა შესაბამისი ოდენობების გაქვითვით;

6.3 თუ ერთი მხარის მიერ მეორე მხარისათვის გაწეული მომსახურება ერთი თვის განმავლობაში აღემატება, მეორე მხარის მიერ პირველი მხარისათვის გაწეულ მომსახურებას, ამ შემთხვევაში ასეთი სხვაობის ანაზღაურება უნდა მოხდეს წინამდებარე ხელშეკრულების მე-6 მუხლის პირველი პუნქტის შესაბამისად, ნაღდი ან უნაღდო ანგარიშსწორების გზით.

6.4 ანგარიშსწორება წარმოებს მხარეთა მიერ მითითებულ საბანკო ანგარიშებზე.

6.5 საქართველოს კომუნიკაციების ეროვნული კომისიის 2007 წლის 20 ივლისის №400/9 და 2007 წლის 17 აგვისტოს №469/16 გადაწყვეტილებების შესაბამისად, ანგარიშსწორება

მომსახურებაზე პირდაპირი გაფართოებული ურთიერთჩართვის სიმძლავრის პირველ 1 გიგაბიტ/წმ. ფარგლებში ხორციელდება შესაბამისი სალდოებით, სადაც აღნიშნული 1 გიგაბიტ/წმ გამტარუნარიანობის სიმძლავრე არის სიმეტრიული. მხარეები ადასტურებენ, რომ წინამდებარე ხელშეკრულების მიზნებისათვის ანგარიშსწორება მხარეთა შორის მოხდება გამოყოფილი 2 მეგაბიტ/წმ ექვივალენტური პორტების (გამტარუნარიანობის სიმძლავრე) მიხედვით, წინამდებარე ხელშეკრულებით დადგენილი პირობების შესაბამისად. 2007 წლის 17 აგვისტოს №469/16 გადაწყვეტილებაში შესაბამისი ცვლილებების განხორციელების შემთხვევაში მხარეები ვალდებული არიან წინამდებარე ხელშეკრულების ანგარიშსწორებისა და სხვა პირობები მოიყვანონ სრულ შესაბამისობაში ამგვარ ცვლილებებთან არაუგვიანეს 20 სამუშაო დღისა.

6.6 საქართველოს კანონმდებლობის შესაბამისად „ონლაინის“ მიერ მოწვევის ოფერტიო განსაზღვრული პირობებისა და ტარიფების შეცვლის შემთხვევაში, „ონლაინი“ ვალდებულია 30 კალენდარული დღით ადრე აცნობოს „მეორე მხარეს“ პირდაპირი გაფართოებული ურთიერთჩართვის განხორციელების პირობებისა და ტარიფების ცვლილების შესახებ და შეცვალოს წინამდებარე ხელშეკრულებით გათვალისწინებული შესაბამისი პირობები და ტარიფები მხოლოდ იმ შემთხვევაში, თუ შეცვლილი მოწვევის ოფერტიო შეთავაზებული პირობები და ტარიფები უფრო ხელსაყრელია ვიდრე ეს წინამდებარე ხელშეკრულებითაა გათვალისწინებული; წინამდებარე პუნქტით განსაზღვრულ შემთხვევაში წინამდებარე ხელშეკრულება ექვემდებარება მხარეთა მიერ მოწვევის ოფერტასთან შესაბამისობაში მოყვანას.

6.7 მხარეებს შორის ანგარიშსწორება წარმოებს ყოველთვიურად. მხარეები ვალდებული არიან მეორე მხარეს საანგარიშსწორებო თვის მომდევნო თვის 15 რიცხვამდე მიაწოდონ დამატებული ღირებულების გადასახადის საგადასახადო ანგარიშფაქტურა და შემოსავლების შესახებ საოქმო გადაწყვეტილება. ანგარიშსწორება მხარეთა შორის ხორციელდება დამატებული ღირებულების გადასახადის საგადასახადო ანგარიშფაქტურისა და შემოსავლების შესახებ საოქმო გადაწყვეტილების საფუძველზე სრული მოცულობით, არაუგვიანეს საანგარიშსწორებო თვის მომდევნო თვის 20 რიცხვამდე. გადახდის აღნიშნული ვადა პროპორციულად გადაიწვეს ერთი მხარისათვის იმ ვადით, რა ვადითაც მეორე მხარე გადააცილებს წინამდებარე პუნქტში მითითებულ საანგარიშსწორებო დოკუმენტების წარდგენის ვადას (მომდევნო თვის 15 რიცხვს). მხარეები უფლებამოსილი არიან განახორციელონ ურთიერთმოთხოვნათა გაქვითვა წინამდებარე ხელშეკრულების მეექვსე მუხლის შესაბამისად. დადგენილ ვადაში მომსახურების ღირებულების რომელიმე მხარის დროულად გადაუხდელობის შემთხვევაში, დამრღვევ მხარეს დაეკისრება პირგასამტეხლო გადასახდელი თანხის 1%-ის ოდენობით ყოველ ვადაგადაცილებულ დღეზე.

მუხლი 7. მხარეთა შორის ინფორმაციის ურთიერთგაცვლა

7.1. მხარეები თანხმდებიან, რომ გაცვლიან იმ ტექნიკურ და ქსელურ ინფორმაციებს, რომლებიც საჭიროა ხარისხიანი, ხელმისაწვდომი და ეფექტური ურთიერთჩართვის უზრუნველსაყოფად. ამასთან ერთ-ერთი მხარის მიერ მიწოდებული ინფორმაცია ჩაითვლება კონფიდენციალურად და წარმოადგენს მომწოდებელი მხარის საკუთრებას. ეს ინფორმაცია შეიძლება გამოყენებულ იქნას მხოლოდ იმ მიზნებისათვის, რისთვისაც ისინი იქნა მიწოდებული.

7.2. მხარეები არ არიან უფლებამოსილნი მეორე მხარის ნებართვის გარეშე გადასცენ მესამე პირს ზემოხსენებული ინფორმაცია, თუ კანონის საფუძველზე არ არსებობს ასეთი ინფორმაციის გამჟღავნების ვალდებულება.

7.3. ინფორმაციის მიწოდების პერიოდულობა განისაზღვრება მხარეთა საჭიროების მიხედვით.

მუხლი 8. მხარეთა პასუხისმგებლობანი

8.1. ერთ-ერთი მხარის მიერ, წინამდებარე ხელშეკრულებით მასზე დაკისრებული ვალდებულებების შეუსრულებლობა (არასაპატიო მოცდენა) ყოველ კალენდარულ დღეზე

გამოიწვევს მიყენებული ზიანის სრულად ანაზღაურებას.

მუხლი 9. ხელშეკრულების ძალაში შესვლა და მოქმედების ვადა

9.1. წინამდებარე ხელშეკრულება ძალაში შედის ხელმოწერისთანავე და ძალაშია ექვსი თვის ვადით.

მუხლი 10. ხელშეკრულების შეწყვეტის საფუძვლები

წინამდებარე ხელშეკრულების შეწყვეტის საფუძვლებია:

- მხარეთა შეთანხმება;
- წინამდებარე ხელშეკრულების მე-9 მუხლში მითითებული ვადის გასვლა;
- ერთ-ერთი მხარის მიერ წინამდებარე ხელშეკრულების პირობების სისტემატური დარღვევა ან არაჯეროვანი შესრულება, თუ ამგვარი დარღვევა არ აღმოიფხვრა მეორე მხარის მიერ წერილობითი შეტყობინებიდან ერთი თვის ვადაში;
- ერთერთი მხარის ლიკვიდაცია;
- ერთ-ერთი მხარის მიმართ გადახდისუნარიობის საქმის წარმოების დაწყება;
- საქართველოს კანონმდებლობით დადგენილი სხვა საფუძვლები.

მუხლი 11. ფორს-მაჟორი

11.1. წინამდებარე ხელშეკრულებით გათვალისწინებული პასუხისმგებლობა არ დგება დაუძლეველი ძალის მოქმედების შემთხვევაში. მხარეები თავისუფლდებიან პასუხისმგებლობისაგან ვალდებულებების სრული და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

11.2. „დაუძლეველი ძალის“ ქვეშ იგულისხმება გარემოებები, რომლებიც არ არსებობდნენ წინამდებარე ხელშეკრულების გაფორმების დროს და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაეღათ. კერძოდ, წყალდიდობა, მიწისძვრა, აფეთქებები, ხანძარი, ავარია, ომი და საომარი მოქმედებები, ბლოკადა, გაფიცვები. კანონმდებლობის ცვლილებები, რომლებიც აუარესებენ წინამდებარე ხელშეკრულებას სუბიექტების სამართლებრივ სტატუსსა და რეჟიმს. თუ ნებისმიერმა ზემოთნახსენებმა გარემოებამ უშუალოდ იმოქმედა ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროის თანაბარზომიერად გაიზრდება.

11.3. მხარე, რომლისთვისაც ფორს-მაჟორული გარემოებების დადგომის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ, მაგრამ ყველა შემთხვევაში არაუგვიანეს ხუთი დღისა ამ გარემოებების დადგომიდან და დასრულებიდან, აცნობოს მეორე მხარეს.

11.4. შეუტყობინებლობისა და დაგვიანებული შეტყობინების შემთხვევაში იგი კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისგან განთავისუფლების საფუძველს. შეტყობინებაში მითითებული ფაქტები შემდგომში უნდა დასტურდებოდეს.

11.5. თუ დაუძლეველი ძალის მოქმედება გრძელდება 15 დღეზე მეტხანს, მხარეებმა უნდა გადაწყვიტონ ხელშეკრულების ბედი.

მუხლი 12. ხელშეკრულების სხვადასხვა დებულებები

12.1. წინამდებარე ხელშეკრულებით შეტყობინება განხორციელებულად მიიჩნევა მისი წერილობითი ფორმით შესრულებისა და უფლებამოსილი პირის დამოწმების შემთხვევაში. შეტყობინება მხარეებს უნდა მიეწოდოს კურიერის, დაზღვეული წერილის, ან ფაქსის მეშვეობით ხელშეკრულებაში მითითებულ მისამართებზე, თუ მეორე მხარე 5 (ხუთი) სამუშაო დღით ადრე არ შეატყობინებს საკუთარი მისამართის შეცვლის შესახებ.

12.2. წინამდებარე ხელშეკრულების ერთ-ერთი მხარის მიერ წინამდებარე ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ასეთი უფლების უარყოფას.

12.3. წინამდებარე ხელშეკრულება რეგულირდება საქართველოს მოქმედი კანონმდებლობით.

12.4. მხარეთა შეთანხმებით წინამდებარე ხელშეკრულების შესრულების ადგილად მიჩნეულია ქ. თბილისი.

12.5. მხარეთა შორის წარმოშობილი ნებისმიერი დავა და უთანხმოება წყდება მოლაპარაკების გზით. შეთანხმების მიუღწევლობის შემთხვევაში მხარეებს შორის დავა წყდება მოქმედი კანონმდებლობის შესაბამისად.

12.6. წინამდებარე ხელშეკრულება შედგენილია სამ თანაბარი იურიდიული ძალის მქონე ეგზემპლარად, მხარეებს გადაეცემათ თითო ეგზემპლარი, ხოლო მესამე ეგზემპლარი ეგზავნება საქართველოს კომუნიკაციების ეროვნულ კომისიას.

მხარეთა ხელმოწერები:

შპს „კავკასუს ონლაინ“

გენერალური დირექტორი
მამია სანადირაძე

იურიდიული მისამართი: თბილისი,
რუსთაველის გამზ №31
ტელეფონი: (995 32) 20 00 00
ფაქსი: (995 32) 20 00 01
საიდენტიფიკაციო ნომერი: 211380833
ბანკი : „თიბისი“
ა/ა: 37467015
ბანკის კოდი: 220101850

იურიდიული მისამართი: თბილისი,

ტელეფონი:
ფაქსი:
საიდენტიფიკაციო ნომერი:
ბანკი:
ა/ა:
ბანკის კოდი: